



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Patriarchæ Aquileensi & Episcopo Paduano.

**urn:nbn:de:hbz:466:1-20020**

298 Epistolarum Innocentij III.

habere de falsitate suspectas, & ne ulterius illarum auctoritate procederent, pro se pariter & conventu ad nostram audientiam apparellarunt, octavas Pentecostes proximò tunc futuras appellatione suæ terminum præfigendo. Ceterū cùm per depositiones hujusmodi videretur ostensum quodam Canonicos seculares dudum in Ecclesia ipsa fuisse, ac demum eis defunctis per Abbatem & conventum prædictos quodam exitiisse monachos subtitutos, & nobis suggereretur quod idem Abbas & conventus diutiùs exspectati appellationem suam profequi non curarant, nos depositiones ipsas sub bulla nostra judicibus alii destinantes, per apostolica eis scripta mandavimus ut nisi Abbas & conventus prædicti aliquid rationabile ostenderent & probarent per quod licuisset eidem in prædicta Ecclesia monachos Canonicos substituere, ipsam in statum pristinum appellatione postposita reducentes, facerent memoratas præbendas per eosdem Abbatem & conventum personis idoneis assignari; quod si forsan illi hoc efficere recusarent, iidem judices auctoritate nostra suffulti sublato cujuslibet contradictionis & appellationis obstaculo id exequi non different. Nuper autem dilectus filius B. monachus procurator dictorum Abbatis & conventus cum litteris prædicti Archiepiscopi & collegarum suorum processum continentibus eorundem ad præsentiam nostram accedens, per dilectum filium Petrum tituli sancti Marcelli Presbyterum Cardinalem, per quem fecimus eundem examinari processum, reascriptum authenticī instrumenti Bartholomai quondam Episcopi Laudensis diocesani loci sub sigillo venerabilis fratris nostri successoris ejusdem, ac privilegium felicis recordationis Innocentij Papæ prædecessoris nostri nobis protulit intuitu; per quæ eoperimus Abbatī & conventū memoratis exitiisse concessum, ut decentibus Clericis qui tunc in Ecclesia ipsa erant, non Clerici, sed monachi de ipsorum cenobio substituerent ibidem. Cùm igitur ex hoc pateat Abbatem & conventum eosdem prædictos instituere monachos in eadem Ecclesia licet potuisse, discretioni vestrae per apostolica scripta præcipiendo mandamus quatenus eisdem judicibus auctoritate apostolica inhibere curetis ne in negotio ipso procedant litterarum prætextu per quas eis conditioinaliter injunximus procedendum, videlicet nisi Abbas & conventus rationabile aliud obicerent & probarent per quod eis

monachos Canonicos substituere licuisset, qui si forsitan occasione ipsarum aliquid immutarunt, sublato cujuslibet contradictionis & appellationis obstaculo illud in statum pristinum revocetis, contradictores, si qui fuerint, vel rebelles per censuram ecclesiasticam appellatione postposita compescentes, ita quod eidem Ecclesia faciatis per monachos congrue defervi. Quod si non omnes &c. duo vestrum &c. Datum Laterani i.v. Kal. Martij, pontificatus nostri anno duodecimo.

*PATRIARCHÆ AQUILEGENSI  
& Episcopo Paduano.*

Epi. 1.  
De libri p.  
regressu  
ad locum  
Vide p.  
Litter. ill.  
cap. 4. ab  
De co-  
generis
**A** Ngit nos cura sollicitudinis pastora lis ut dilectos filios Ducem ac populum Venetorum ab iis quæ famam offuscent & salutem impediunt sollicite revocemus. Quantum enim dudum offendirent abducendo peregrinos damnabiliter & damnosè à subsidio terra sanctæ, non est, sicut credimus, vobis incognitum, cùm toti penè sit Ecclesiæ manifestum. Vnde cùm sperasssemus quod præterita peccantes offensæ, sic eam peccitudo diluerent quod nequam ultra similem attarent, non possumus non dolere quod, sicut nostris est auribus intimatum, quidam eorum in contrarium spei nostræ non nullos peregrinos ad terram properantes eandem in iuis navibus receptantes, eos à propria intentione frustratos deduxerunt, non solum in Græciam, sed in Cretam; qui tandem corde sicut & itinere deviantes, propositum quod contra crucis inimicos conceperant, in servorum crucis oppressionem convertunt, Christianos partium adjacentium ad ducum suorum offendendo suos, qui eandem indulgentiam mentiuntur à nobis taliter procedentibus esse concessam quæ concessa est illis qui ad defensionem terræ sanctæ procedunt. Cùm igitur hoc in ejusdem terre dispendium, opprobrium nostrum, & peccatum redundet illorum, fraternitati vestrae per apostolica scripta præcipiendo mandamus quatenus dicos Ducem & populum moneatis prudenter & efficaciter inducatis ut de cetero ab hujusmodi abstinentes, nec Deum provocantes ulterius, quem ex præteritis provocasse graviter discuntur, quin immo retroactam offensam per satisfactionem expiantes sequentem, peregrinos qui terram sanctam visitare disponunt à suo itinere nec in Cretam nec in alias partes distorquere presumant, sub divini judicij nihilominus &

excommunicationis interminatione vetantes ne hujusmodi peregrini opus itineris salutaris mutantem, in via damnabile, quod ingredienti terram duabus viis sapiens imprecatur, Christianos qui sunt in Creta seu etiam ubique locorum audeant impugnare, sed votum suum contra inimicos crucis cum puritate debita prosequantur. Duci quoque ac populo supradictis simili modo inhibere curetis ne contra inhibitionem prescriptam aut culpabiliter ipsi veniant, aut peregrinos jamdictos damnabiliter venire compellant. Quod si non omnes &c. alter vestrum ea nihilominus exequatur. Datum Laterani 111. Kalend. Martij, pontificatus nostri anno duodecimo.

*CLERICIS ET LAICIS  
peregrinis in Candida civitate Cretae  
morantibus.*

**A**ngit nos cura sollicitudinis pastoraalis &c. ut in alia usque in contrarium spei nostrae, vos & nonnullos alios peregrinos &c. ut supra usque peccatum redudet illorum, venerabilibus fratribus nostris Patriarchae Aquilegeni & Episcopo Panduano dedimus ut dictos Ducent & populum efficaciter moneant & inducant ut de cetero ab hujusmodi abstinentes &c. ut in alia usque venire compellant. Quocirca universitatem vestram monemus attentiū & hortamur, sub eadem vobis interminatione mandantes quatinus & vos quæ superius sunt expressa quantum in vobis fuerit efficaciter observetis, & denuntietis aliis peregrinis inviolabiliter observanda. Datum Laterani 11. Kal. Martij, pontificatus nostri anno duodecimo.

*NOBILI VIRO HENRICO  
Comiti Malte.*

**L**itteras quas nobis tua devotio destinavit ea qua decuit benignitate receperimus; & earum tenore perpicaciter intellecto, prudentiam tuam in Domino commendamus, quod & ad succursum terræ sanctæ ferventer aspiras, & ad honorem apostolicæ sedis diligenter intendis, devotum in utraque respectum habens ad Deum, pro cuius reverentia hujusmodi propositum concepisti; à quo, si voluntatem ad actum perduxeris, mercedem, non solum æternam, sed temporalem etiam confequeris, cùm secundum Apostolum pietas promissionem habeat vitæ quæ nunc est pariter & futura. Sanè penfatis omnibus.

Tom. II.

bus circumstantis rerum & personarum, temporum & locorum, vix aliquid aliud etiam secundum seculi statum de negotio Cretæ potuisti prudentius meditari quam quod per dilectum filium magistrum Petrum Acconensem nuntium tuum, virum utique providum & fidelem, nostro apostolatui fuggefisti. Quia vero in litteris per eundem directis non expresse vidimus contineri ut ea quæ super eodem negotio idem nuntius nobis ex tua parte proponeret crederemus, quantumcumque te in Domino diligamus & ad tuum velimus intendere commodum & honorem, habito super hoc consilio diligenti, ad præsens non vidimus aliud respondendum nisi quod intellectis quæ idem nuntius à nobis audita tuae discretioni retulerit, & dilectus filius noster Petrus tituli sancti Marcelli Presbyter Cardinalis per suas tibi litteras plenius intimabit, super iis omnibus per litteras & nuntios nobis tuam intimare studeas expressius voluntatem, ut ita demum plenius & certius procedere valeamus. Quid autem pro tuo jam emolumento scribamus, litteræ nostræ, cùm sint patentes, te poterunt edocere. In quo considerare te volumus nostri circa te cordis affectum. Ad hæc, devotionem tuam rogandam duximus & monendam, per apostolica tibi scripta mandantes, & in remissionem peccatum injungentes, quatinus ad subventionem & defensionem terræ sanctæ diligens studium & operam efficacem impendas, ut ille dirigat vias tuas à quo gressus hominis diriguntur. Datum Laterani vi. Kal. Martij, pontificatus nostri anno duodecimo.

*NOBILI VIRO RICARDO  
germano nostro, Sorano Comiti.*

**C**VM castrum Vallis-Montonis pro multa & magna pecunia quantitate sub gravibus esset pignoratum usuris, ita ut de alienatione ipsius multiformaliter ageatur, nos præcavere volentes ne ad illos forsitan perveniret per quos tam apostolica sedes quam Lateranensis Ecclesia nec non & tota vicinia grande ac grave incurret detrimentum, cogitavimus emere idem castrum. Sed cognoscentes quod Lateranensi Ecclesiæ dispendium generaret si castrum ipsum immediate ad sedem apostolicam perveniret, sicut etiam Prior & Canonici ejusdem Ecclesiæ à nobis consulti sunt multotiens protestati, nos habita deliberatione prudenti, ex omni parte providere volentes, castrum ipsum de illorum fecimus emi confisu, partim

Pp ij

*Epiſt. 5.  
Et confirmat  
caſtrum Sora-  
num.*